

# ÁKÆRA

Sérstakur saksóknari samkvæmt lögum nr. 135/2008  
*gjörir kunnugt:*

Að höfða ber sakamál fyrir Héraðsdómi Reykjavíkur á hendur

Lýði Guðmundssyni, kt. 170767-5199,  
með lögheimili í Bretlandi og  
Bjarnfreði H. Ólafssyni, kt. 171167-5079,  
Suðurhúsum 5, Reykjavík,

fyrir eftirtalin brot gegn lögum um hlutafélög:

## I.

Á hendur ákærða Lýði fyrir að hafa hinn 8. desember 2008, sem stjórnarmaður einkahlutafélagsins BBR, kt. 591108-0850, brotið vísvitandi gegn ákvæðum laganna um greiðslu hlutafjár með því að greiða hlutafélaginu Exista, kt. 610601-2350, minna en nafnverð fyrir 50 milljarða nýrra hluta í Exista hf., að nafnverði 50 milljarða króna, sem BBR ehf. keypti sama dag og greiddi fyrir með 1 milljarði hluta í einkahlutafélaginu Kvakki, kt. 591108-0690, sem metnir voru á 1 milljarð króna, en á sama tíma var ákærði Lýður starfandi stjórnarformaður Exista hf. BBR ehf., sem þannig eignaðist 50 milljarða hluta í Exista hf., var í eigu einkahlutafélagsins Korks, kt. 420604-2030. Ákærði Lýður var stjórnarmaður Korks ehf. auk þess sem hann var eigandi félagsins ásamt bróður sínum, Ágústi Guðmundssyni.

Telst ofangreind háttsemi ákærða varða við 1. mgr. 16. gr., sbr. 2. tl. 1. mgr. 153. gr. laga um hlutafélög nr. 2/1995, með síðari breytingum.

## II.

Á hendur ákærðu Lýði og Bjarnfreði fyrir að skýra vísvitandi rangt og villandi frá hækjun á hlutafé Exista hf. með því að ákærði Bjarnfreður sendi hinn 8. desember 2008, að undirlagi ákærða Lýðs, tilkynningu til hlutafélagaskrár (fyrirtækjaskrár ríkisskattstjóra), Laugavegi 166, Reykjavík, þar sem ranglega kom fram að hækjun á hlutafé Exista hf., að nafnverði 50 milljarða króna, hefði að fullu verið greidd til félagsins þótt einungis hefði verið greitt fyrir hlutaféð með 1 milljarði hluta í Kvakki ehf. að verðmæti 1 milljarðs króna, eins og í I. tölulið greinir.

Telst ofangreind háttsemi ákærðu varða við 1. tl. 1. mgr. 153. gr. laga um hlutafélög nr. 2/1995 með síðari breytingum.

Þess er krafist að ákærðu verði dæmdir til refsingar og til greiðslu alls sakarkostnaðar. Að auki er þess krafist að ákærði Bjarnfreður verði, með vísan til 2. mgr. 68. gr. almennra hegningarlaga nr. 19/1940, sbr. 6. gr. laga nr. 31/1961, svíptur réttindum til að vera héraðsdómslögmaður.

**Röksemadir sem málsóknin er byggð á, sbr. d-lið 1. mgr. 152. gr. laga nr. 88/2008 um meðferð sakamála.**

Hluthafafundur í Exista hf. samþykkti 30. október 2008 heimild til hækkunar hlutafjár félagsins um 50 milljarða króna að nafnverði með áskrift 50 milljarða nýrra hluta. Hluthafar féllu frá forkaupsrétti og stjórn félagsins var veitt heimild til að bjóða einstökum hluthöfum að skrá sig fyrir nýjum hlutum.

Í byrjun desember 2008 hélt félagið Bakkabraedur Holding B.V. á rúmlega 45% hlut í Exista hf., en ákærði Lýður var einn eigenda þess félags. Miðvikudaginn 3. desember 2008 sendi Nýi Kaupþing banki hf. féluginu og ákærða Lýði tölvupóst þar sem farið var fram á greiðslu inn á lán bankans til félagsins og/eða að settar yrðu frekari tryggingar. Skyldi það gert eigi síðar en 8. desember 2008. Að öðrum kosti myndi bankinn leysa til sín hlutabréf í Exista hf., sem félagið Bakkabraedur Holding B.V. hafði sett bankanum að veði.

Hinn 4. desember 2008 samþykkti stjórn Exista hf. á stjórnarfundi, á grundvelli heimildar hluthafafundarins 30. október 2008, að auka hlutafé félagsins um 50 milljarða króna að nafnverði með áskrift nýrra hluta. Í fundargerð stjórnarfundarins kemur fram og að ákærði Lýður og Águst bróðir hans myndu leggja fram andvirði 1 milljarðs króna persónulega í gegnum eignarhaldsfélag sem þeir hefðu stofnað. Það félag var BBR ehf.

Ákærði Lýður skrifaði undir kaupsamning við Exista hf, 8. desember 2008, fyrir hönd BBR ehf. Samkvæmt kaupsamningnum fékk Exista hf. 1 milljarð hluta í Kvakki ehf. í skiptum fyrir 50 milljarða nýrra hluta í Exista hf. Milljarður króna, sem sagður var inni í Kvakki ehf., stafaði frá Lýsingu hf., dótturfélagi Exista hf., í formi láns til Korks vélaleigu ehf., kt. 591108-0770, sem lánaði það til BBR ehf., sem lagði það inn í Kvakk ehf. sem aukið hlutafé. Féð var greitt inn á vörlureikning hjá lögfræðistofunni Logos þar sem innstæðan lá óhreyfð fram á sumarið 2009. Þessi milljarður króna rann því aldrei inn í rekstur Exista hf.

Hinn 8. desember 2008 tilkynnti ákærði Bjarnfreður til fyrirtækjaskrár ríkisskattstjóra og Verðbréfaskráningar Íslands hf., að undirlagi ákærða Lýðs og á grundvelli almennrar heimildar stjórnar Exista hf., að hlutafé Exista hf. hefði verið hækkað um 50 milljarða króna og að greitt hefði verið fyrir hlutafjárhækkunina að fullu, án fyrirvara um að einungis hefði komið greiðsla að verðmæti 1 milljarðs fyrir hina nýju hluti. BBR ehf. var í kjölfarið skráð fyrir 77,91% hlut í Exista hf.

Með þeim aðgerðum sem að ofan er lýst var farið þvert gegn ráðleggingum sérfræðinga og brotið gegn ákvæðum hlutafélagalaga um greiðslu hlutafjár. Hlutur annarra hlutahafa í féluginu var þynntur út og þannig tryggði ákærði Lýður sér og bróður sínum Ágústi yfírráð yfir félagasamstæðu Exista hf.

Hinn 11. desember 2008 leysti Nýi Kaupþing banki hf. til sín hlut félagsins Bakkabraedur Holding B.V. í Exista hf. Í stað þess að eignast rúmlega 45% hlut í Exista hf. eignaðist bankinn, að teknu tilliti til hlutafjárhækkunarinnar, einungis um 10,4% hlut við yfirtökuna.

Með bréfi 25. júní 2009 til fyrirtækjaskrár ríkisskattstjóra afturkallaði lögmaður Exista hf. tilkynninguna um hækkun hlutafjár frá 8. desember 2008. Fjórum dögum síðar úrskurðaði fyrirtækjaskrár ríkisskattstjóra að tilkynningin frá 8. desember 2008 hefði verið ólögmæt og lækkaði skráð hlutafé um 50 milljarða króna. Hinn 22. júlí 2009 ritaði ákærði LÝður, fyrir hönd BBR ehf., bréf til Exista hf. þar sem fyrrnefndum kaupsamningi á milli Exista hf. og BBR ehf. var rift. Eftir lækkun hlutafjársins var BBR ehf. engu að síður eigandi meirihluta Exista hf. með tæplega 52% hlut sem félagið hafði leyst til sín á grundvelli yfirtökuskyldu sem leidd var af kaupunum 8. desember 2008.

Í 1. mgr. 16. gr. laga um hlutafélög segir að greiðsla hlutar megi ekki nema minna en nafnverði, en tilgangur þessa ákvæðis er saá að koma í veg fyrir óeðlilega rýrnun hlutafjársins og vernda þannig bæði hluthafa félagsins og kröfuhafa. Ákvæðið nær einnig til þess þegar greitt er í öðrum verðmætum en peningum. Ákvæði 1. mgr. 16. gr. laganna er upphafsákvæði III. kafla hlutafélagalaga en yfirschrift kaflans er „Greiðsla hlutafjár“. Brot gegn ákvæðum þessa kafla eru refsiverð, sbr. 2. tl. 1. mgr. 153. gr. laganna. Sú háttsemi sem ákærða LÝði er gefin að sök varðar því refsingu samkvæmt umræddum ákvæðum hlutafélagalega en áskriftaraðili er ávallt ábyrgur fyrir greiðslu sem nemur nafnverði hlutar. Brotið er stórfellt í ljósi þess að um var að ræða 50 milljarða króna hlutafé og greiðslan nam einungis 2% af nafnvirði þess.

Samkvæmt 1. tl. 1. mgr. 153. gr. laga um hlutafélög nr. 2/1995 varðar það sektum eða fangelsi allt að tveimur árum að skýra vísvitandi rangt eða villandi frá högum hlutafélags eða öðru er það varðar í tilkynningum til hlutafélagaskrár. Fyrirtækjaskrár ríkisskattstjóra er safn nokkurra undirskráa, þeirra á meðal hlutafélagaskrár en tilkynningar er varða breytingu á skráningum hlutafélaga er beint til fyrirtækjaskrár.

Skrifstofu embættis sérstaks saksóknara samkvæmt lögum nr. 135/2008,

Reykjavík, 19. september 2012



Olafur Þór Hauksson